

曼

谷

亭

後

集

谷

復仇亭後集卷十

壽陽祁寓藻叔穎

古今體詩五十一首

丁巳

詩舲既爲柏槐作圖賦詩又與子貞疊和拙作張之
寺壁次韵申謝

毘盧殿東法華筆龍樹示相菩提三其一破壁已飛去妙

餘雙幘青出藍山人吟罷蜩叟嘯世間孰識猶龍肘

詩舲贈子

貞有猶龍之筆詩中聯句

尙憐縵仇有古癖不鄙老生爲常談鉅鐘竟

許寸筵扣天葩競吐奇芬含古松得名五百載柏槐並列

知未堪譬彼鼎鐘晚出土一經拂拭青翠酣閭陽布衣亦

時傑彈指花雨飛氍毹

寺中有傳雲勝果妙音圖巨軸乾隆間作

若以畫品論

前輩曹衣吳帶庸多慙遭逢先後何足異慎勿翦伐甘棠
甘古偶竹箭饒東南楚材至今勝舟驂兩翁染翰具深思
投報非必瓊瑤貪吾詩饒舌翁更笑塗抹已徧蕉葉菴

生日立叔貽犀角杯感賦

文犀美角出暹羅刻畫尊疊比象獻萬里山川邊塞隔百
花洲渚暮雲多明人犀角杯多刻百花洲景物通靈可許分餘照辟暑猶
能滅舊疴便擬從君無事飲衰羸不稱醉顏酡

耳聾詩戲投勿齋

耳聾君勿憂吾有一言奉心爲百體君君靜臣則動靜者
常泰然動則多憂恐心聰不在耳先覺斯大勇古者黉纘
塞臨旒仰端拱雷霆靜不聞淵默匪驚寵返聽聽無聲聲

息乃在踵世人耳爲目煩聒日恹恹聞根深未斷萬籟襲
其空江湖事方急風浪兼天湧耳聞心更熱淚迸目爲腫
一聾減百憂天意憐憫憫君云老無事課孫書坐擁并此
斯弗予何以鏟愁種半聾昔爲聒雙聾今乃聾逢人祇欲
笑反復語多重吾聞治聾方如治水決壅鼠膏或未驗社
酒必宜捧爲君洗杯勺不必求藥籠甘作家翁癡撥棄人
事冗但須防額癢三耳令人悚諺語殊可味陰陽避憎懂
吾言亦戲耳聊助君一哂

王笑山鴻臚岳陽晚眺圖

張詩船作

岳陽昔三登歲在癸甲乙又嘗涉重湖水程七八日劈箭
走風浪入險還復出維時道光初歲稔民安謐更爲擴講

堂彬彬萃文質登臨忽有會憂樂難豫必并載一回首
洞不可詰巴陵兵燹後城郭少完室茲樓竟無恙百廢猶
存一星使南海還艱危諒深悉紆途得峻賞奇句壓行帙
嚴冬寒漲縮白日光四溢莽莽荆襄道風煙暗關駟君言
郡樓記猶是天瓶筆少宰有家風圖成題字密舊游感履
烏清暉照蓬華君山天外青渺渺湘靈瑟

詩舲爲笑山作棣鄂迎輶圖題二絕句

家園本自近長安萬里重過聚首難已喜對牀尋舊約人
間猶作客星看

高樹重門氣象新移華四照藹如春畫圖合借添豪筆曾

是還鄉衣錦人

詩舲使閩詩有還鄉攜節近人希句

暑夜苦熱

六月十一日

夜久勸無寐起看星斗垂留風窗不下送月坐頻移烏鵲
無聲後蟲蟲得意時物情各有適秋至獨先悲

望雨

六月十四日

一雨三日晴亦好一晴十日氣尤燥伏日過半秋漸來禾
黍將成不自保傳聞蝗飛西北去不知蟲蟲落何處饑價
日賤米價高農夫血汗心煎熬都城內外又施粥歲費太
倉一萬斛安得領盆天雨粟

宋拓蜀石經殘本歌

首行題春秋經傳集解襄二第
十五次行題杜氏盡十五年

有客示我蜀石經春秋斷簡左氏傳其字萬有二千餘宋
紙柔韌敵唐絹東宮書府印宛然熨眼已驚烏玉片細看

鉤畫具歐法貞觀遺風猶未變鴻都三體贗殘隸開成勒

石名久擅蜀刻經注獨兼存彫版並出較精善惜哉蠶叢

兵燹餘石室摧隤梵宮絢流傳至今二三策往往咨嗟動

邦彥

趙谷林所得毛詩殘本屬樊榭全謝山諸人皆有題跋錢竹汀曾見左傳殘字歎為衰年衆事近時陳頌

南慶

鑄亦得周禮考工記公羊殘本見楊湘筠寶臣跋記此本得之式古堂或是晁經

異洪

容齋隨筆昔所見楊君作記歎希有好古諸公劉覽編漢

唐源

流多著錄巴蜀文雅鮮論誤張紹文楊鈞孫逢吉周

德貞

盡能事僕射研經亦妙選母昭裔離披瓊蠟尙神采

卓犖山川有書卷峨眉缺月秋埽空三峽餘波淨如練書

家競誇元和腳世人但學蘭亭面抽豪欲補金石編歐趙

前頭敢輕銜

喜雨爲少泉生日置酒

駛雨剛過夏甲子先秋三日送涼來雷因鬱結聲斯奮風
不飄搖氣已回古寺尋僧頻著屐虛堂留客且銜杯荷花
生日君應記一笑還將好句催

荅少泉疊前韵

雨如江海捷書至風送軒窗佳客來疏爽恰宜新沐後歡
娛已抵故鄉回看花遠致碧筒酒辟暑深斟犀角杯黃鶴
南飛歌一曲驪駒不用更相催

雨後牽牛花

過雨新涼曉色幽葦籬斜裊出牆頭生花老眼忽驚絕潑
翠屏風一丈秋

是日立秋

盆魚

盆魚一二寸蓄自孟夏初汲水置蘋藻往來二十餘及今
賸三尾攸然還自如雖得游泳趣未免形影疏井水無二
味瓦盆同一居如何生死際不得相煦噓自憐纖微質未
足充羹菹江湖久絕望焉敢怨沮御猶幸烈日威久不到
庭除葦棚覆其上清風來徐徐主人固衰病秋至體漸舒
卽作濠梁觀安知子非魚

山陰祁氏止祥先生

多佳

手書詩卷爲家叔和太守

題

卷首逸峯閣印末
云題於眠雲草亭

好手唐祁岳高名晉孔賓豈知書入妙不但畫通神同氣
存忠節止祥爲忠
敏之弟餘風託隱淪一時雙卷軸藏弄並家珍

叔和頃以先生
墨蹟長軸見詒

歐陽文忠公生日白蘭岳王少鶴招集慈仁寺拜公

滁州遺像分韻賦詩得心字
六月二十一日

歐公治滁日已有終老心琅邪豐山間兩亭資醉吟名翁
實中年乘興時登臨嶢嶢清流關暉鳳昔就擒四海無干
戈百年涵煦深公來城郭喜公去悲山禽邦人奉遺像寶
之如璆琳題贊並前哲李端叔晁悅之陳迹猶追尋惟公文章宗
直道每見侵當時懷嵩樓對客情難任嗟爾菱谿石幽谷
埋崎崙豈謂千載後

天章發幽沈

像首有乾隆壬申題詩今藏林穎叔樞部家

御筆遭遇亦有待感歎

成古今今日公生日晴雲開遠岑主人舊同直良朋欣盍

簪奉觴古蘭若再拜心共欽仰攸金石文俛慙翰墨林掀
髯冀一笑豁達披胸襟酒罷有餘思散步蒼松陰崢嶸日
銜山瀟灑風入琴琅然醉翁操徽外聞遺音

天台靈鳩杖

刻畫遜天成靈鳩乃得名力能扶老拙心已悟均平野寺
隨身伴仙山抗手迎秋來好風日便欲出重城

歐公生日滌甫分得蕢字復成此詩呈同人

詩爲心之聲卽一言一話當其欲發時不發心不快不知
中朝官胡以詩爲戒將毋虞廢事多言或多敗且恐陷不
恭或激而爲隘是誠皆有之然固無足怪請看六一翁正
直心匪懈文章滿天下萬頃浩澎湃昌黎導其源眉山繼

其派卽以三公論立朝何耿介廢事不必詩不詩事亦壞
今我同懷友敬爲歐公拜賦詩雖分韵無此疆爾界聊爲
文字飲縱談及書畫不猶賢乎已徒令歲月邁干戈莽未
休民力甚矣憊千古浣花叟詩酒寓感喟以此酌吾曹吾
其舉杜蕢

余藏古銅解
文曰杜蕢

曉涼

曉涼惜枕簟殘睡轉沈酣嬾趣閒方得秋心老獨諳林蟬
風翼靜籬豆露花含紈扇休予棄餘炎恐未堪

曉訪戒公山茨

迤邐尋幽去熹微破曉行談經僧久熟避客暑先清野馬
飛難到池鵝睨不驚槿花風外妥松翠雨餘明蒼莽思何

極優游送此生祇應阿練若題字付柴荆

楞嚴經真阿練若梵語寂靜處

也亦作阿蘭若

得舜卿先生書以其弟質齋喪來告寄詩奉慰兼致

令弟春湖

客從并州來袖出尺素書開緘見手字離思忽以紆披讀
未及半慘然增欷歔君有同乳弟解組十載餘清風在晉
楚民曰父母且泣官凡四邑事不假吏胥青衿服其教萬
井安耕鋤庭無雀鼠聲稂莠已剪除不爲赫赫名去乃思
厥初統統城頭鼓送者舟與車僉曰賢哉侯侯去民何如
侯曰予有兄風雨時念予淍之水悠悠老將從之居豈謂
老且病戎馬生郊墟閒關三千里避地辭鄉閭褰裳就季

于涉彼汾沮洳流離有骨肉遑問田園蕪去年遺我書急
難思鄂村示我朱履篇意度何其舒煙氛暗灑霍劫掠無
時虛六國既重陷三老復一祖達者雖云達所親焉得疏
況爲異鄉客堪此形影孤書來語更慟生死同一塗掩書
不能讀淚下霑我裾白門未歸骨有弟今則無兄衰久臥
病杖履不得俱太行雲在眼渺若天一隅吾亦老留滯知
否得歸與人生如逆旅暫聚聊可娛飄飄風塵際何地爲
吾廬君固文章伯門下羅生徒季子亦鸞鑠子孫美且都
念與君昆弟結交久不渝相期比金石各保歲寒軀更願
加飧食報君雙鯉魚誰能烹此魚佐以酒一壺一酌醉潛
郎再酌醉老湖

東鄰

東鄰兩佳人窈窕隔煙霧莫道不相知相知已遲暮手把芙蓉花身是菩提樹天風吹秋月流影照何處一從洛水妃初試浚波步一追碧雞神又向點蒼去千里雖不遠銀漢誰能渡萬里遠如天彩雲在指顧人心無遠近世事有新故寄語西鄰子何爲泣歧路

彭孫入塾

七月三日

彭孫今七歲諷字二千餘今春將入塾以痘姑徐徐痘後百餘日日日嬉庭除問以舊識字八九乃忘諸人情老多慙沉吾嬾且疏未能卽瞋喝聽之當何如少小戒習慣歲月如奔車禮云就外傳所以閑厥初伏暑氣漸平秋涼生

衣裾連朝快雨過槐翠覆吾廬藹藹昔賢裔學識承權輿
延師端木子疇明經惠然不遐棄慰我几席虛人師實難得經訓惟
菑畚應對進退間弟子職所居玉不可不琢苗不可不鋤
古來聰明士患在不讀書墨子喻染絲韓公歎龍豬告爾
小子彭始基其念予

少泉學博行有日矣和留贈韵送之

舉頭十七月輪盈拂檻槐花已再榮東道久慙供菜把南
歸遙羨致蓴羹綵衣後閣新開燕虹氣深山早識荆準備
他時重下榻與君犀角醉千觥

七夕晴

江海尙風波人間秋雨多別離不瀝淚無恨是銀河

慈仁後山紅槿盛開

木槿花繁竹作闌
紅珊瑚間碧琅玕
毘盧山腳平臺頂
七月新涼見牡丹

送宗滌甫出都之東河并餞張石卿

亮基

奉使雲南

新秋頻送客
杯酒觸離情
落日長河去
層雲萬里生
艱危心慘澹
老病歲崢嶸
應念街西寺
扶藜晚獨行

次韵荅勿齋感秋

老年得閨心
念老秋雨生
涼病減秋細
葛輕絛都有適
碧天銀漢本無愁
雲煙埽盡山林出
車馬馳過歲月流
兩事校量君聽取
不須感歎雪盈頭

詠莪相國以其曾大父芝庭尙書詩翰長卷屬題

緬昔乾隆初文思

帝神聖四表仰

光被百寮熙庶政明良皋膺颺聲律夔歌詠維時歲丁丑
令節始春孟

南巡奉

慈娛吳越重申

命侍從悉枚馬謀謨僉魏邴龔軒衢壤嬉藻采江山靚公
以金閨彥歸養有餘慶南陔愛日循北固瞻

雲迎

天顏紆一笑萬象煙波淨

揮弦景風長

授簡丹霄覓苓麗從薊野欵乃到吳榜地接海門潮

天旋斗車柄豹尾鏘共陪

龍章燦交映奏

御百餘篇細書寓恭敬百年存風格清腴勝瘦硬當時趙北宴

聯句觀鐙檠蔣

溥汪

由敦

秦

蕙田

劉

綸

外二錢

維城英爽

競長白兩儒臣

介福

簪豪興飛泳公時若隨扈亦必載名

姓卽今展遺翰出處得明証

恩榮邁同直感激根至性固知

眷禮殊合與沈

德潛

錢

陳羣

併樞相公會孫家學秉先正

念茲三世澤寶若干秋鏡琳琅披長卷繁月讀未竟遐稽

帝堯興時切疇咨倣近誦卷阿詩尙貽聞望令清芬誦端
揆末學景前行願覩千羽舞載廣卿雲盛

尙書諱啟豐雍正五年以修撰入直 南書房此卷乾隆二十二年

聖駕再巡江浙公恭和諸詩自 啟蹕至 回蹕渡江多
至百八十九首恭檢

高宗聖製詩二集趙北口行宮同扈蹕儒臣聯句中未載
公名蓋公於二十年以 內廷侍郎請養回籍意當時
迎 鑾江上隨 駕浙西 蹕路往還先後奉 敕賡
和所作至送 駕渡江更未隨從故駐蹕天甯寺以後
無恭和作也詠我相國得尙書手翰於京師舊家裘卷

屬題并記咸豐七年七月

治竹徑用少陵課伐木韵

閒居不能閒昔昔夢爲僕不敢問田園時欲走巖谷街西
古招提清蔭多喬木僻在城南隅儼若西山麓竹院特幽
邃避暑意已足老僧工位置疏爽利遠燭因念吾弊廬亦
有數叢竹柯葉雖不茂差勝食無肉鄰寺施孟粥婦孺雜
號哭而我日三飯息偃得茅屋涼風白露下老病謝炎毒
人生戒偷惰那敢厭鄙俗枯幹蠶窠綴瘦筍鉅藩觸荒穢
久弗治生意何由蓄翦惡去其甚植善哀其獨尙貽方外
笑不免僮隸促秋深花市靜霜圃餘晚菊埽徑卽陶然不
須計斗斛

秋後槿花

紅晚趁斜日翠深藏古春不愁不爛漫爛漫卻愁人

種麥歌

春麥瘦秋麥肥麥肥令人飽麥瘦令人飢秋麥種早收亦
早根深穗多堅且好春麥畝三斗秋麥一石餘今年麥價
貴得錢免賣黃犢車馬首老農老無用請問秋麥何時種
白露早寒露遲秋分耩麥正當時蘄北農諺人間旱潦不可測
得時之麥非爾力

送贊臣姪

元輔

還壽陽兼憶三兄

送汝還鄉去寥天數雁羣團團馬頭月莽莽海東雲

贊臣初自

藩陽歸

兩載重爲別三秋半已分遙知對牀地風雨不堪聞

剝棗行

屋東纂纂棗成實槐竹交陰靜斜日忽聞攪林風雨聲飛
彈灑空檐瓦鳴兒童仰面雜喧笑升木者誰頭不掉已拗
弱枝任淩亂更擲長竿探危峭紛紛爭拾半拋棄盈掬未
已餘滿地牽衣挽鬢索翁嘗似有懷橘殷勤意可憐一樹
秋垂紅揜依當我中庭中柯葉不能蔭街市縱饒嘉實難
爲功道旁有李行人食陌上有桑寒女織況今米貴民苦
飢此味獨甘轉悽惻鄉園千戶霜林新牙齒黃落歸無因
呼兒傾筐莫盡取高風媿爾西家鄰

孫駕航虹橋舊游圖

揚子橋南路江灣跨彩虹瓜洲兩岸樹花港一帆風遠道

洪都客新詞白石翁十年泥爪在惆悵北歸鴻

往者鍾中翰雄心軼萬夫破圍狂盜走遺恨援軍孤

鍾小亭舍

人淮曾破賊於此

夜月偏無賴春城且未蕪似聞好消息秔稻足

江湖

秋分前三日雷

層陰起西北霹靂走晴空雨氣塵煙外人聲鴉鵲中餘炎
收畏日急響挾飄風不藉神威力誰知造化工秋霖宜宿
麥老客羨歸鴻失筇休驚歎寒郊多轉蓬

僧寮假寐

睡鉤脫則思思蒂斷則睡夢中曾得句不知云何意若云
睡非思詩來何所自若云思非睡詩去向何地至人本無

夢睡蛇孰鉤致菩提亦無樹花蒂于何寄無鉤安用脫無
蒂奚必墜無睡亦無醒無思乃無事我來雙松下意中有
文字偶坐古槐根嗒然復假寐寐時不自知寤後任所至
忘卻夢中詩卽夢都不記

自題鶴齋集

規橰壹齋集髣髴鮎埼亭奇字得家訓故鄉存地形詩名
卑不稱宦味老曾經慙媿香山社閒吟任醉醒

飯餘弄孫二首

飯餘強步二三里日日巡檐數十回欹倒疏籬自秋色牽
牛開了豆花開

穉孫畫紙蚓蛇出秋夕呼鐙梨棗來才誦周南及麟趾已

披爾雅問初哉

白題長夏勘書圖

張詩船少宰畫

懸車歲三度今歲逢閏夏日長睡易足病減藥初謝苦吟
愁肝腎強步惜腰胯惟有讀書樂雖老不能罷念自筮仕
初及茲得長假辛勤四十年有書數十架

賜本二千卷琳琅寶無價其餘出清俸所幸鮮婚嫁輜軒
勤搜采一鷗偶鈔借投贈半師友緘寄多姻婭連屋萬卷
餘充塞彌隙罅紛吾涉世塗峻阪策驚駕馳驅方有事點
勘苦無暇如禾滿園塵身未親畊稼又如四鍤鉤曾弗一
矢射卽今田已蕪始擬手犁杷巾幘角亦挫何由正弓弮
流光不相待送老安所藉城南暑雨霽清風埽燔炙呼兒

檢囊帙攤曬溢庭榭舊交思更切新知見乃乍晤對感今
古高歌雜悲咤竟忘日如歲翻欲燭繼夜兼旬不出門良
友時招迓詩翁澹蕩人落筆雲煙瀉圖成目笑余花樹卽
僧舍回瞻天祿閣孰與雅頌亞幸餘炳燭光且喜冠簪卸
天上森寶書青冥早縱靶何必百兩篇人間問張霸濟時
良獨難食古恐未化讀書求甚解或爲達者訝君看陶靖
節忘言對桑柘味存糟粕外有酒尙可蕢不如且吟詩桐
葉秋已下

書樓篇

井序

平舒邨東北有樓焉石趾塹垣矗立三層上啟天窗
下通地道高可十丈許明末所築族兄令儀世居之

嘉慶年間始歸吾家時先君子自江左客授還里兄弟姪輩侍坐樓下因命各言所志雋藻逡巡起指樓對曰願它日爲吾祁氏書樓先君子笑而領之今老矣留滯都門賸有書萬餘卷力不能載歸書樓之志荒矣作書樓篇以告來者

吾爲勘書圖圖成若有思藏書豈無樓恐負昔言志茲樓五十載舊基幸未墜吾弟實守之一官已盡瘁手札勵有存書籍散無次吾書雖未亾樓在遠莫致太行路艱哉瓊席何容易況今軍書急盜賊氛尙熾誰忍去京國掉頭入山避讀書不濟用貪多轉爲累聚散理之常逆旅本如寄今人務虛名先正求實事此樓卽有書鏤閉亦如棄吾欲

載書歸匪日自珍祕窮鄉鮮善本後學無由肄下以遺家
塾上以儲國器所志儻不虛留作書樓記

詩舫饋深州桃賦謝

舊醅已致娥江酒

王子懷頃爲轉致佳釀

新實還分陸澤桃荒徑餘

三宜取醉仙山得一未偶豪傾筐投我瓊瑤重折簡知君

筆硯勞

前承招飲慈仁寺爲作長夏勘書圖

飽啖卻應愁肺弱中秋珍惜到

登高

中秋前三日偕陳子鶴尙書過長椿寺重與內兄淮

生太守話別兼約姜君

學詩

寫真

秋槐壓屋密如緘瘦竹橫窗疏不芟盆水新添魚驟上籬
花晚謝鳥爭衙涼天古寺招佳月別酒餘痕惜故衫更喜

城南姜處士拈豪置我在山巖

胡小蘧

家玉

太史爲其大母孝烈事狀繪圖屬題

長江湛湛楓樹林雙流繞屋清且深伊人靜好調素琴病
鶴三歎離鸞吟冰絃一裂霜滿礎雄劒頓起雌劒沈庭樹
慘澹天宇陰孤月墮水驚栖禽人不及知神所臨一息中
有千古心高坊大表桑梓欽門閭濟濟羅冠簪豫章之材
久乃任醴泉有源江有潯作圖感舊德悵悵尙聞激湍流
哀音旌旗滿眼烽煙侵歸哉游子懷故岑何以贈之清白
箴

秋曉睡起自嘲

秋衣初換稱新縣臥榻重支惜舊氍毹事三眠三起已難

聲一噴一醒然經旬藥酒知將熟向曉鑑花故作妍猶爲

攤書商位置牽蘿補屋送殘年

長兒直麟兩姪孫檢書
訖因令補葺屋東齋舍

藏雲洞看西山用前韵贈戒公

一片飛雲洞口閒青螺佛髻擁禪關梯空但覺神情豁眺

遠何愁眼力慳礪草經秋花不落階松未老鶴先還百年

高閣分明在芥子須彌總是山

起昆廬山先築此洞曾滌
生昔讀書寺中書藏雲洞

額遂以
名之

孔敘仲惠畫蘭四幀賦謝卽次集中自題韵

韓齋碧紗分餘煙飄然置我巖石邊我方援琴和幽操買

賢雪霜日以年一畦薺麥種無力九畹芳馨焉可得對嶽

樓高塵滿城祇有庭楸似相識

近屬吾宗叔和寫韓
廬小幀取庭楸詩意

姜白石湖上書事詩題後

石骨琴心松鶴姿空山幽怨少人知不吟破鏡天邊句誰
解盧仝月蝕詩

題吳蓮芬

文錫

觀察棧雲圖卽送其歸揚州

蓮芬文節之弟

平生未陟蠶叢道暫借煙雲當臥游叱馭功名九折阪浣
花詩思五經秋螺龕又惜春明別君以半螺龕詩見示雁陣空餘故
國愁感舊因君重惆悵滔滔江漢有歸舟

段芳山遺盆菊賦謝

九月朔日

一臥城南秋三見重陽花槐街雖與花市近短牆橫隔成
天涯神仙起居吾詩友公退看花亦云偶卻憐塵世少閒
人送與衰翁開笑口去年攜酒擔花來今年花來先舉杯

應爲空堂苦覓句和陶餘興煩相催君不見光林古寺塔
花外風鈴語訓荅年年修禊到登高日日繁英照尊榼菊
花最晚開最難開時但作錦屏看知君移贈有深意惜我
籬根數尺地脫巾解帶任橫斜門外督郵久不至

復仇亭後集卷十一

壽陽祁寓藻叔穎

古今體詩四十五首

丁巳

何子貞藏晉唐古墨四種次韵題後

右軍黃庭經肥本禊敘國學初

搨本大令洛神十三行唐撫本魯公小字麻姑壇記

老眼重觀化度字

頃見叔和所藏舊搨化度寺碑

又見驪龍遺珠四晉唐

書從篆隸來支派雖殊猶適嗣東洲居士得筆法瘦不彫

枯肥不膩將由獵碣扣鍾鼎宵逐俗書逞姿媚深秋初日

槐影疏門巷蕭蕭停客車手出此冊誦題句峨眉凍雲來

襲余余幼奇服老嗜古殘墨摩抄幾風雨

余藏宋搨大觀帖殘本

思坐臥三日夜領取篆煙橫碧縷

和陶結廬秋菊二首

九日當采菊漸聞花市喧秋色天外來落我城西偏高閣
冠長松夕陽銜遠山藜杖送我出林鴉隨我還借問此何
時籬花澹無言

靈均悲懷秋胡爲餐落英明知一飽難聊以申余情濁醪
雖在眼獨醒不能傾君看烏鳥樂林間相和鳴安得素心
人促剗談平生

練川名人畫象冊爲嘉定程穉衡

祖慶題

程君好古工臨摹昨者示余說文圖祭酒而後論統系漢
末逮元得八儒千載衣冠一堂聚欲問奇字執尊壺練川
江左古名邑鄉先生有遺象集兩編追摹自宋始近代名

流吾猶及惟君桑梓必敬恭曾慕會稽先賢風徵文堪爲
志乘補畫象不必滄浪同程君信是邦之彥好古豈以書
畫見作吏應傳石室圖承恩待召南薰殿

訓陳勿齋

時勿齋孫病初愈

疾至乃求醫已違養生戒醫言人人殊事後論成敗當其
抵掌談書若并翦快以方試厥疾種種生窒礙寬則滋荏
苒猛則縱蜂蠆軍以卿子債法以商君壞千金坐垂堂危
哉甚矣憊君以誠求心發爲保赤愛獨得三折肱力斥二
賢退入險斯能出愼餘乃寡悔吁嗟天下事何者敢隤廢
易占震蘇蘇書取思昧昧君詩抵箴砭意在警聾瞶復徂
有病叟三復爲感喟

夏芝岑

獻雲

和去年九日詩二首次荅兼訓段芳山

書巢老蝨魚食字過一生殘編不濟用空竊脈望名槐街
臥三年風雨忘晦明誰謂吾廬幽時聞花市聲野菊雖不
多一束能延齡魯酒味雖薄解憂還自傾猶有素心人褰
裳過南榮閑居費日月感此聚散情但媿秋蟲吟促織終
何成

去年重九日攜尊來舊交今年霜已降木葉遲未彫君從
直園回氣與三山高清詩出懷袖峻想凌層霄尙念支離
叟一慰延跂勞我如經冬菊荒徑顏色焦豫章固多材大
器歸埏陶高岡鳳爲林鳴集匪一朝

段芳山曾筮巢
皆君同鄉同直

端木子疇明經

採

和盆菊舊作次韵奉訓

今年秋麥稀望雨勞農情如何盆中菊粲粲羅繁英遠芳
辭山椒徑竹交斜橫自非灌溉力枝葉奚由榮清霜被隴
草小軒朝日明未能免采摘黽勉依餅罌五斗一束帶已
爲塵網縈歸來東籬下居然謝冠纓亦知嘉苗秀勝彼野
卉生雨雪不可知天寒思黃精釀酒且斟酌幸茲泉水清
落葉四首次韵訓芳山并簡芝岑

風雨重陽已過時今年寒較去年遲霜華籬下猶堪采玉
笛樓頭久已吹黃落山川秋莫矣青熒燈火夜何其借用居之
切老來情味甘蕭瑟卻被庭梧一葉知

夕陽澹沱月昏黃三徑雖存半就荒未免飄零悲大樹敢
因留滯惜它鄉花飛一片春還減松覆千尋夏亦涼萬事

苑枯隨分足塲鑪統扇可相妨

會著荷衣度歲寒每搔霜鬢念艱難
楓林荻岸蕭蕭下海雨江雲莽莽寬
直恐飛鳶臨水墮翻愁凍蝶向花攢
城南更有秋懷客悽絕空階碎玉珊

用昌黎詩意

望秋蒲柳感先彫蟋蟀聲中歲月銷
榮木有情懷靖節散花無語對參寥
晨窗校字紛難埽夜酒添薪煖共燒
尚有嚶鳴爲求友時從幽谷和遷喬

劍門秋色圖爲孫駕航題

程稭舊畫

袖中萬里青山色南北東西許問津
獨媿騎驢劍門客此身未合是詩人

蜀道青天幾許長近來佳句數漁洋
蒼茫亦有千秋思但

聽鈴聲替戾岡

漁洋有顧生棧道圖歌

客星回照紫微垣一綫蠶叢雙鳳軒不道練川奇麗筆又

將秋色點荒園

程君近爲余作息園秋色圖

宋王伯厚先生生日

七月二十九日

葉潤臣繪象設祀延客

徵詩敬題卷末

稱觴補祝亭林老拜象同瞻六一翁

閏五月謁顧祠六月拜歐陽公滁州遺象

高會賦詩選佳日逸民開卷想遺風詞林筆海流傳後古

誼忠肝感慨中欲問義熙前甲子讀書求解亦陶公

四明山海鬱精靈汲古千秋有典型書庫仍存月湖閣

范氏

天一閣在月湖西

禮堂直逮鮑埼亭泉源子午流宗派賓主東南

聚德星老我餘光慙炳燭可容困學乞囊螢

息園秋色圖自題

大興姜興之學詩寫真
嘉定程穉菴祖慶補景

息叟讀書老未息寄園薶寄強名園茅屋竹籬自秋色松
菊坐對俱忘言故山猿鶴望久矣江上愁心千萬里何時
倦鳥送歸雲著我徬徬亭子裏

瓢城餞別圖盛子履爲鹽城令孔俊卿先生作也哲
嗣敘仲屬題

陽城未習催科政文黨曾爲子弟師欲識使君三載澤請
看祖道一編詩篠驂歌舞來時路菱舍攀援去後思今日
鹽亭亭下柳依依猶似拂旌旗

愛才誰繼古人風廉吏猶全老病聾豈有南陽偶召父翻
令東海去于公家傳清白經先授名重丹青畫亦工不見

藍侯曾教織百年祠樹鬱葱葱

敝邑織事自明末藍侯教之至今民享其利建祠報

功余既爲詩以紀其事復作圖以傳之

孔母孫太安人寒宵稱藥圖爲敘仲舍人題

粲粲門子婉婉令妻從仕于滄念母靡依

一解

母曰往哉

女游不遠姑曰往哉吾尙健飯

二解

飯以和身藥以導和

豈無娣婦念茲匪它

三解

丸丸者藥一丸千金輕重在手

甘苦在心

四解

再拜祝藥代婦登堂宜身詣前迺不遑將

五解

湯湯河水中有雙鯉烹魚得書有珠絜絜

六解

姑曰

賢哉賢哉予婦借使勿藥豈不爾負

七解

誰謂苦口其甘

如飴誰謂寸草春暉在茲

八解

我有肴酒不必在官爾無

魚鮓不用封還

九解

嘗藥之心乳姑之孝饋鬻有銘孔氏

之教十解

萬道人贈亭林秋江別思圖藏潤臣家卷末有石州
詩注云子貞手摹寅之顧祠今摹本已展轉流傳吾
鄉矣題句記之

昔爲逃名再轉注今看遺畫幾流傳石翁仙去蛺翁老醴
酒荒祠一惘然

葉潤臣孔敘仲招同張詩舫何通甫孫芝房家叔和
慈仁寺餞秋雅集繪圖賦詩分韻得好字

松寮往來熟屐齒痕不埽西風送落葉黃蝶辭蔓草繫我
同懷客惜此秋意老零霜感時節酌酒寫襟抱舊題猶在
壁新句已脫橐林穎叔是集未怡園筆尤健老樹花偏好

羣賢各奏能顧我思枯槁筇枝尙可倚石磴期同造遠峰
入窗隙斜日出鳥道鳳閣兩詞人幽蹤事探討不嫌客歸
遲但喜公退早五嶽有散仙東去蓬萊島何時重把臂一
坐爲傾倒

子貞時
還山東

爲潘木君

僊

題洞庭歸帆圖用陳子鶴題王嘯山岳

陽晚眺圖韵

長沙一城扼衡陽單車慰彼都人望軍如挾纘氣百倍天
狼奔墜弧矢光當時同舟孰共濟羣論共推彭城張功成
名立身病退嶽雲飛送南歸檣洞庭樓高川路永滿目煙
氛迷故鄉青草扁舟一落手三年客夢千回腸至今燕臺
且流滯北雁未忍思南翔南海使者亦登眺畫圖自閒軍

書忙豫章尙書爲題句直從岳鄂論荆襄君與尙書各捍
患江湖接壤天蒼茫樓船那許久藏壑雖穎旋見重出囊
披卷沈吟感舊事湘波潏洞連吳閶

十月二日雪簡子疇研鄰

去年竹窗寫初雪冬盡望雲思空結有如舊雨灑然來杯
酒未銜已成別今年冬朔天始寒落葉滿階霜風乾曉起
同雲忽四塞枯林花片紛交攢天公亦憐久別客爲我小
窗助虛白吟詩作畫且莫論準擬明年飽新麥

初冬夜起

心靜能諳夜氣清眼花恰稱短燈檠雞三號罷鄰鐘歇又
聽林鳥第一聲

詩齡少宰以文敏公折臂詩冊屬題追次文敏韵書

後文敏扈從木蘭行營墮馬傷臂詔蒙古醫以

安冰年奇術愈之張南華鵬翮賦詩為賀公荅詩云

天公殘其形欲俾羈縲下終何曾參香至已早占沛

我馬出天閑昂藏八尺龍萬里走沙漠一朝躡躡封

身輕若翫瓦墮地憶初降從今右臂復到竿奇術難

通皇情鬱以軫馳遣國能工琢冰復到竿奇術難

融月初餘可畫諾百日竟驚弓乃知聖人心能補天

所窮當君問疾時余始可以風笑指半截碑謂得無

似儂掀髯拂蘭紙疾走霜豪鋒四律翻水成宛宛曳

長虹我身化已及我心不能董時夜免為雞號寒底

學蛩豈有溝中斷能和爨下桐述事當酬

司寇擅書名籍甚乾隆中

天章數褒重米董兼其雄一字亦收錄

恩眷周始終供奉帖落諸書此書紀感遇折臂殊新

豐病餘偶拈筆蟠屈猶如龍南華老學士貽詩手緘封善
謔且善禱技癢心未降一揮二百字公誠矍鑠翁詩以病
而健書以病而工險絕歸平正亦與醫理通當其縱轡初
目已無孽蟲及乎袒臂割談笑神融融塞翁本無馬楚人
安有弓乃知其天全顛躓不能窮況蒙造化力日烜散以
風居然還舊觀此筆不負儂我生慕公書外拓中藏鋒運
來得手蹟文敏書唐宋人詩烏絲闌冊往者窺玉虹少宰寶遺翰題識
存黃童詩冊後有黃易跋後輩孰比肩低頭駢與蛩臂痛想虞戈
尾焦憐葵桐便恐冰牟術無繇蘇老癯

段春湖學士

晴川

得舊搨醴泉銘屬題

金塗小印見西清文毅家藏本亦精

宋搨醴泉銘曾於懋勤殿及那文毅家

見宋搨於今非易得唐碑自昔每翻行石經殘洗神猶在
書藉臨摹趣轉生春湖夙精歐法燕市從來多善馬要憑一顧起
聲名

舊搨淳化閣帖大令書殘本爲春湖題

五十二行十七葉印痕銀鋌故依然世人競購千金帖碎
玉零珠忍弃捐

王家裴几眞傳在肥瘦紛紛辨眼難尙有淩波仙子步莫
將河朔少年看

沈似竹舍人士能見示乃祖小如先生長春章武拊

溺圖慨然爲題長句

我觀拊溺圖而月心茫然歎歎不能爲題句東洲居士詩

在前三年臥病百事廢但憂水旱思豐年憶昔歲辛酉余
家宣武城南偏先子爲郎隸農部滇司職守籌振蠲夏秋
一雨四十日青苔及榻街行船余時總角未歷事但聞鄰
巷婦子號顛連豈知畿輔遠近千里河海並溢愁連天
東陽沈侯章武宰惠政流傳六十載手提萬衆出魚腹力
挽狂瀾氣百倍不知痛定思痛更如何鄭俠遺圖至今在
又不知當時股肱數郡中幾人得似龔勃海勃海治盜古
所聞今則治盜兼治軍君不見前年逸寇窺津門倉卒不
得謝使君諱子澄爲天津令守城破賊陣亡贈布政使建祠潢池直恐連海氛
朝廷重守令畀以司牧職能禦大災捍大患鑄金當爲天
下式沈侯之圖吾欲摹謝侯之功絕代無安得英姿颯爽

丹青筆更寫津門破賊圖

王文成公撫綏思田緊急用人疏殘稿餘姚翁氏所

藏也蕙舫水部學涵示觀敬題簡末

龍場召還日盜賊已蠶起功名終藤峽實自南贛始思田
既底定公殆將病矣觀其手擘畫縝密尙如此土夷凋弊
餘墟落滿荆杞將爲置官長復恐擾田里殘稿六百字字
字入肌髓公能恤民生民亦爲公死卒用蘇受兵思恩田
盧蘇王受破彼八寨壘察公制勝由首在整軍紀徵調戒騷屑
知人善任使且能訶賊情搗虛輒披靡指麾叛藩縛軍止
三旬耳其它嘯聚衆摧拉不淹晷原燎初易撲糗糧久難
峙粵寇雖一隅弗戢何所底乃知兵貴速後患已先弭卻

穀誠帥才聞言心尙企公學能濟時祇完良知理如何操
戈徒斷斷殊未已此疏爲薦賢豈弟古君子卽以書翰論
紫陽庶可擬流傳三百載敬哉桑與梓時危見眞儒道在
同一揆延望九華雲悵然懷彼美

題吳秋伊印譜

陽明山人印石菴曾得之思田疏尾紀以詩潛邱居士印
石州亦寶之爲仿遺像祝以辭近代名儒留篆刻摩抄尙
增簡編色吳生好古更摹古纍纍漢印存諸譜寬夫題後
名益傳以鐵裹門門限穿片石忽落息翁手豈謂枯蟬食
宇久君不見淩煙作畫曹將軍亦貌尋常行路人

朔風驟寒約叔和季閏小飲觀齋流覽卷軸遣懷二

首十月十一日

吾宗得二難衰病有餘歡佳釀不孤酌異書常並看圍鑪

一家煖蒙袂四郊寒

時五城施粥

初雪聞宜麥愁懷且暫寬

第一率更帖今歸篋衍收

叔和近得宋搨化度寺碑

古情同繾綣閒日

爲淹留卻憶霜龕老遙憐汾水秋月齋亦流寓鄉夢託潛

邱

是日觀傳青主墨蹟并張石州摹閻潛邱像卷

三石友齋感舊詩三首

井序

齋有名硯三皆端產也一日乘槎道光壬午歲

賜內池外室嵌玉悉刻作槎形一日尺華已丑歲

賜取蔡忠惠大硯盈尺帖意名之一曰左田則當塗

黃先生退老家園戊戌歲寄贈江陰使院者也

君恩師授慎守弗諼既以名齋復系以詩

端溪氣與雲濤接化作仙船蓮一葉紫檀文玉巧裴成清
淺銀灣不可涉支機一片落人間南海乘槎往復還曾寫
幽風無逸句幾陪金馬玉堂班老去慵書餘病臂蟾蜍淚
滴螺丸膩摩挲不忍置空箱上有

先朝御賞字

硯背鐫道光
御賞四字

大硯盈尺齋中華天門鳳闕流餘霞

懋勤祕殿蒼龍壁豹尾嘗從第一車

東巡之歲月徂暑

帝曰汝書其賜汝重緹寶勝香山圖古觴珍同杜蕢舉

皆

賜春帖雲箋歲歲裁白頭禿筆已成堆錦袍翠墨痕猶溼

慙媿銘山賦海才

醫無閭山澄海樓曾奉
命題字書聯句勒石

井田一畝質最良左角有井坳而方漆蓋鐫題述顛末商

彭錢贈吾師黃

彭文勤公舊藏

師字左田遂名硯再傳及余有深

譽云是

三朝侍從臣後先簪筆明光殿園井自清城井甘井眉卜

築今已三

澄懷園直廬內城東華門外城下斜街所居皆有井

寸田尺宅吾衰矣黃

石素書誰與參

冬夜月下

天高雲淨月輪斜更柝沈沈夜不譁倦鳥栖寒疑臙葉疏
籬界影誤垂花鄉心已爲看書減睡味還期得酒加何事
蒼茫成獨立明朝似有客還家

池南八景程穉蘅澄懷園紀游作也感舊題句

三十年來徑未荒芙蓉沼外有垂楊
銜泥燕子巢都徧最憶池南舊草堂

十月十七日送四妹還平定憶三兄

風雪去年吾見妹妹衰兄病兩相憐
豈知今日重爲別不待他時始憶前
八口但愁生計拙一官深望後人賢
甥孝瞻頃就小吏於京畿更期老健成三笑
莫爲臨歧各惘然

佶姪來都感懷二首

汝壯逢多難親喪已再終一官

恩罔極

姪以恩恤得言

五載痛何窮失侶天邊雁招魂江上楓

歸來當有日壘樹漸葱蔥

兄妹老難聚干戈紛不休餘生多感慨得句半離憂書未

已三篋

先人手澤并家存書卷今俱攜來

家徒剩一裘汝曹知我意何事

久淹留

慈仁老僧招看西山積雪汲新泉煎茶

十月二十六日

雪後風夜寒曉起天宇淨松下童子來敲門若有請言師
遠眺望積雪與山競收入玻璃窗眉間白豪迸豈不自怡
悅獨祕非佛性枯筇已久待凍鳥紛交迎一笑眼驟明未
語神先變圍鑪淪苦茗松竹亦相慶新泉倒玉峰萬象入
圓鏡初來午日煥欲去夕風勁清景偶得之已過不可更
世有工畫者媿余乏高詠

東坡畫竹

坡翁老筆清且雄飛過葛陂能化龍新叢細葉更奇絕疏
瘦中有煙雨蹤細觀五璽霞采絢曾入石渠荷

宸眷

賜本流傳故舊家賡歌想到

重華宴眉山畫待湖州題千古風流今尙羨

幘端有文茅
衡山題詩

屋不足容修柯竹兮竹兮柰爾何莫怪清饒被翁笑貴人
身閒金復多

漫飢亭後集卷十二

壽陽祁鶴藻叔穎

古今體詩三十九首 丁巳

申公教織詩 并序

劉雪崖

靈

以靈壽縣志載明壽陽令申公教織事在

藍公前寓書見示適劉黼廷

翼之

攝靈壽令寄志來

都與雪崖書同日到嗟異感慕因爲長句寄雪崖并致吾邑同人詩雖質直事則足傳若更爲刻石嵌之藍公祠壁亦表章循績之盛舉也咸豐七年十月

藍公教織今有祠申公教織人未知吾邦志乘偶從略靈壽邑志乃載之雪翁好學今王劭網羅放失勤諏咨謂我

手書已勒石如公潛德庸可遺申前藍後六十載召父杜
母名並垂門懸織具授以法藍政成矣申始基世間萬事
有顯晦不朽之業仍待時劉侯適爲靈壽令以清獻志贈
所思寒天短晷讀未竟尺素千里來何奇因憶去年見張
記李叟其芳得自鄉人詒張氏子孫信慎守阿護亦有神
靈司陸志若非互探討壽水何以揚清漪馨香俎豆報前
烈椎輪大輅思先資我昨作歌欲補志今因觀志補以詩
他年月石可共語有道碑銘無媿辭

陸清獻公

隴其

靈壽縣志附錄

申傑字邁萬由例貢授輝縣丞遷知壽陽縣晉人不諳
紡織傑泣任作紡織具懸之縣門且遣人授以法而董

其功自是壽陽民遂能自爲衣又察土宜導山泉爲渠

溉田數千畝邑人懷之立祠渠側從祀名宦按壽陽志載申公爲

北直平山縣人由舉人嘉靖十四年知壽陽縣與靈壽志小異

梨園古錢咸豐六年正月予村西北梨園地任姓掘土得北宋錢八千餘覆以瓦崇甯重寶尤

多製造亦精估姪擲數十枚來

繁盛千秋想汴梁遺錢輕重費評量朝廷已鑄崇甯寶道
路猶供花石綱古瓦塵封丹篆合瘦金書帶綠苔香邊城
兵燹曾經過留與人間壓錦囊

子鶴尙書餉蒸鴨饅頭賦謝時君初移居城南門樓胡同

移家恰與吾廬近老得芳鄰興不孤鄉味煩君餉籠餅客
筵笑我問蒸壺嬾眠巷裏新菰圃

恩養堂前舊筍廚復此清尊共斟酌題杯茗宴正相須

疊前韵訓子鶴井呈令兄服耒觀察

晉恩

約小飲

別離患難老昆弟對牀重話忘羈孤感新念舊眠不得滴
盡寒宵銅漏壺西鄰病叟亦倒屣更得好句籠紗廚魯酒
雖薄比匏葉我友能來叩則須

打粥婦

貧民領粥俗謂之打粥有少婦懷垂死兒打粥者聞而悲之故爲此詩也

長椿寺前打粥婦兒生六月孃十九官家施粥但計口有
口不論年長幼兒食孃乳孃食粥一日兩盂免枵腹朝風
餐夕露宿兒在雙兒亡獨兒病斷乳孃淚續兒且勿死爲
孃今日趁一粥掩懷拭淚不敢哭

仲冬七日孚吉齋消寒初集以冬至日見雲送迎來

歲大美分韵得日字

是日同賦詩者金陵端木子疇
采海州喬硯鄰守典吾鄉閭夢

巖汝弼趙心園復正甥閩國輝張孝瞻
五姪世侑兒子世長姪孫友直友麟

亥眠寅則興短日抵長日閨餘歲更長誰謂奔輪疾倦鳥
不怠飛勞人不知佚時艱已無補猶自檢書帙今年雪再
見雖寒氣不栗天公憐窮蹇短褐不掩脅而我閑擁鑪偃
仰在斗室鄰鐘每入耳棖觸若有失朝來望雲物微陽驗
管律似聞南風競捷書馳傳駟吾儕且相慰念此歲功畢
天涯共尊酒促坐意轉密江國思鴻雁山堂吟蟋蟀感物
眷彌重詩成各有述獨媿井眉叟寒泉不復溢綆短歲云
莫何由筮孚吉逢逢太行雲歸夢渺難必一和陽春篇白

頭羞彩筆

子疇硯鄰夢
巖詩先成

消寒二集題履齋亭圖分韵得學字 十一月十六日

山川無定名名必從其朔非惟志地輿亦可資問學履齋

以谷名如山曰礪巖祭酒說未收二呂義則確

晉呂忱字林呂靜韵

集顏介能博求舊聞證先覺當時好古士王君殊卓犖聞

之已驚喜儼獲玉雙珏謂是晉之乘垂棘寶在璞惜哉鄉

邑記斷簡久摧剝若非黃門訓誰與其商推上艾多古儼

奇秀供采擢獵間既有屬

孟邑田京兆號獵間邨民

茲亭名更卓荒城

餘馬首峭壁綴蝸殼古來戰爭地徵調苦煩數想見遯世

徒結茅臥林幄寂寥千載後壽水清可濯龍洞雲萬重鹿

嶠翠雙角余嘗躡幽險厓字出斑駁尙思蒐方言鉛槧每

懷握自聞此亭名霞想寄幽邈畫卷爲爾披詩筆爲爾捉

不知巖下松何日化
桄榔卽今尙留滯
臂枯眼昏濁嬾就
子雲問羞對輪扁
斲烽煙幾時息
雨雪何由渥
猶有歲寒友
銜杯敘懇懇
一亭亦虛名
無名斯爲樸
但向此中老
何必圖五嶽

小寒前一日大雪聞瓜洲克復疊前韵誌喜

十一月二十日

江氛暗南北五載埽未淨
梯衝久不舞糗糧時復請
瓜步倚京口勢與白門競
三窟深竄伏一水肆奔迸
邇來貔虎氣漸格豚魚性
霜鷹睇轉疾風鵠退還迎
果然摧枯朽不復阻幽篁
乃知師律貞必協豐年慶

蒼穹符

聖誠

前數日奉旨祈雪

瓊島出冰鏡會見月三捷
南風鐃鼓勁宣

陽羣珍銷送喜萬方更雪窗頻做節瀟灑付觴詠

硯鄰招集長椿寺是日大雪不果往賦謝十一月二十日

積雪凝寒近歲無水齋清景畫難摹敲門遽折吟詩東埽
徑還攜載酒觚病鶴凝氈猶欲舞枯藤偃蹇不禁扶羨君
坐有生花筆拄頰看山興不孤

喜胡恕堂方伯興仁自粵西來都因懷勞辛皆中丞
崇光

閩海昔重遇周爰賦載馳宦游多聚散時事況艱危樂較

中年減官因內召移時奉命留京候簡眉間黃色在杯酒且論詩

頃示北
上吟草

宋玉思香草張衡望桂林離筵湘水濶歸路棧雲深君以
催餞

由楚取道蜀中顧我成衰疾因君託遠音何時銅柱地跼跼起南禽辛皆督辦粵西軍務已數歲矣

喜聞官軍克復鎮江郡城紀事述懷

昨聞瓜洲復子月日已丑鎮城旋告捷同日克京口月十一

日五載狐兔窟一掃竟何有當賊猖獗初奔逐如獍狗及

其糧援絕鋌險不及走擣穴今何迅負隅昔何久乃知師

在和得雋信非偶南北兩大軍勢若左右手欽差大臣和公德公

水師當其中逍遙孰執咎大帥前曾奏効水師桓桓張軍門國樑粵西軍營

投誠自効獨秀出稂莠功多心轉下謀勇忍含垢每同相

屢立戰功如車得侍公瑾酒制府何能識幾拊循意孔厚一言被挾

續百計峙糧糗軍令頓改觀

國恩敢虛受一鼓下兩邑

句容

再鼓獲其醜

陣斬洪秀全之姪偽安王

洪仁發

遂拔潤州城鏖彼逋逃藪維時江北軍並舉折枯朽

連檣走率然擊尾齊應首浮玉明炬火寒潮動星斗長江

古天塹主客異攻守轉環在得人亦由善激誘

朝廷嘉乃績懋賞勵厥後金陵勢雖孤江浦賊未取

金陵對岸

尚有

逋寇當思蠶蠹毒勿爲蒲騷狃師出必以律十勝懼一負

惟此垂成功氣已吞八九上游扼湓城全力制鍾阜春風

鏡吹來綠滿江上柳行當洗甲兵吾其老隴畝

尹文端公與袁簡齋先生游攝山圖倡和詩卷

四十賢人題句在百年詩畫想風流乾嘉遺墨都難得何

況追隨杖履游

前卷圖作於乾隆二十三年戊寅之歲簡齋元唱七律四首文端再和共題詞二十

一人標首者一人後卷
題詞十九人跋者一人

朝野歡娛官事簡樓霞山色大江流豈知鳳去臺空後猶
倚軒窗得臥游

消寒三集詠樹稼以諺語霧淞重霧淞窮漢置飯寶

分韵得霽字

地氣發曰霰

今霽字猶
文作霽

天氣下曰霽霽乃氣之蒙

洪範蒙
古文作

霽則霰之凍雅訓今沿譌許說堪折衷樹稼名後出亦

或稱霧淞諺語猶近古疊韵義堪調澤次與凜列詩人此

例眾蘇曾工體物萬象入吟弄豈有學蝨魚書叢老徒閔

寒骨乏秀語奇字徒鑿空無怪詠絮人捧腹笑且痛燕臺

玉盈尺西山出銀蟾定知陳根拔遺蝗化爲鳳天工運巧

思三日費彫瑱瑤林散花雨一破幽人夢坐客徵襍祥疑
義且先貢卻思舊題句俾揣言未中二十年里居會賦樹稼詩清景
不可失急觴莫停送似聞松下鶴招我躡雲洞

子鶴恕堂前後移居城西喜得芳鄰走筆奉簡

河上老人去已久碧雞使者書未回塔院松寮兩寂寞孤

游誰與傾尊壘

自滌甫石卿出都兩寺之游漸減

寒林連日出霧淞跨馬

人來騎白鳳已聞雪夜奏三捷更喜居鄰得二仲西鄰瓊

樹花連枝

服刺伯兄亦留京度歲

東鄰茶竈爲我移閒官漫叟且相

伴準備今年餞歲詩

夕風朝晴用東坡攜雲篇韵荅子疇

夕風朝日晴

御園啟夙駕

是日聖駕自園還宮

一條玉塵中萬馬衝寒過山屏

積素開

輦路餘花下虹橋鵲驚行冠佩參差亞仰瞻

天顏喜春郊念耕稼微軀病三載驚鈍廢腰膀漸於農事
親里諺習田舍願從擊壤叟歌舞康衢化酒貴猶可賒尊
空安足怕

得趣

十一月晦日

撥火寒生煖挑鐙夜嚮晨悶將詩共語衰與藥相親薄酒
常延客奇書每問人紙窗得佳趣破臘已如春

歲莫以縵仇亭詩後集寄三兄感作

兄弟老多病田園早已蕪自慙生計拙敢道世情孤晏子

裘空敝疏家金在無惟餘詩數卷遠寄伴屠蘇

消寒四集分韻臘鼓

得令臘酒得時字

寒邨腰鼓春前盛破臘不愁北風勁往日鼓聲催不起今年轉覺喧闐更玉田千頃花萬樹黃髮垂髻走相慶古原春草此中生麥隴桑枝一色映昨聞江上馳捷書傳說城中布

恩令千門萬戶春聲來往助前驅笳鼓競

我有斗酒不敢私願與嘉客斟酌之天寒日落擁鑪坐門外不聞車馬馳南鴻北雁飛參差泥雪一任東風吹雙雙

玉瓶爲誰倒歲暮各有鄉關思

少泉南去子疇北來同邑傳蓮峯大令亦至自秦中

而估姪輝甥又將西歸

勸君莫辭迂辛酒勸君莫祭瘦島詩白頭把

筆還能醉紫陌看花況及時

臘八日長椿寺如月長老餉粥

鄰寺冬深靜不喧寒林入畫雪連番詩王聲振陳芳國

寺藏

國朝諸老詩幅

佛相歡生孤獨園

時方施粥日給二三千人

中澤啓鴻漸安

集小窗凍雀亦騰鶩隔年豫約看花侶可許攜尊過別軒

東階牡丹二十年舊本也今春花時始一賞之

劉韞齋少司空

崐

奉使

興京恭修

陵工賦送二首

傳聞使節出

皇州遠陟周原紀勝游

珠阜萬年雲北向

璇源一派水西流國工考職兼泉布仙侶乘槎傍斗牛同奉

使者少宗伯臘雪載塗民氣樂渝關春色擁鳴騶計出山海關適

宗室玉公

春簪豪會憶獻幽詩豹尾餘塵歲月馳道光己丑歲以內廷講官屬

三天上白榆仍露葉人間蒼柏已霜皮南齋屬從舊同直今在朝者

惟大司捷書正及春回候歸路當逢飲至時土壁糠粃親

空許公

眼見九重前席待詠咨

送傅蓮峯大令乾元還秦中十二月十日

莫嫌征鞅走緇塵且著朝衣謁

紫宸一笑重看燕市雪幾年小別灞橋春庚戌歲正月余自蘭州使旋見

君於長安客館

當筵杯酒談天壯

君熟精天文學

入境兒童識吏循誰道

還鄉如過客宦游成衆已三人

王麟圃刺史任挹春明府皆吾鄉人同官秦中

臘日出游

老人自笑還自憎不寐乃與雞俱興天寒日午積雪凝出門但訪鄰寺僧危檐古木纏枯藤北岡欲陟愁峻嶒南榮暴背煖若蒸閑日靜觀神內激僧言春臺漸可登衆人熙熙情不勝由此一念百感乘徑辭龍樹尋馬塍花扉未破中已磨雲屏霧閣深幾層不知糜粥誰斧冰香國春氣先上騰羣仙步虛若有憑綽約顧我顏驕矜雙松孤鶴自得朋斜日遠山高出校歸來竹窗搖短鐙瓦瓶一醉吾猶能

曹柳溪寄示近作卽和其荅友人詩四首

太息江湖守土官下車無暇問飢寒陽城敢道催科拙尹

鐸方知保障難出岫雲間似彭澤舉頭日近卽長安

長安驛長

安嶺皆龍門縣地

十年宦味嘗應熟籩下霜英且細餐

聞道邊氓歲有秋勞農趣事敢遲留飛鳧早識王喬舄帶
劍今歸渤海牛柏葉酒清供客醉木棉衣冷寄鄉愁春陵
心事香山筆豈爲登臨紀勝游

藥裹詩囊送暮年讀書空負腹便便眼看雪隴占豐兆心

盼江城奏凱旋松寺留題書漸滿黎牀經歲坐能穿史雲

那有魚生釜卻累時時致酒錢

來詩有可廚不費買魚錢之句

臘鼓迎年吏散衙山城鐙火列如麻笛中折柳曾吟雪陌

上扶犁待種花榆塞關河春過雁槐街門巷暮棲鴉尺書

便抵還鄉樂兩地屠蘇似一家

龍門五月朔雪次柳谿韵

從來南北異時節朔漠夏寒粵冬熱天山楊柳青可憐羌
笛聲中自生滅君居邊城官獨冷春氣不能回栗冽得毋
天公與君戲五月冰花一夜結今年旱蝗及畿輔南飛卻
避北風裂況逢閏夏時正長生殖猶堪計纖屑雲與雨沛
官事閒出郭但聞田水咽秋霜未降禾已登更喜陳根見
冬雪

祀竈詞

餽酒不掩槃芻豆不盈袂再拜竈陘前黽勉爲餞歲餽以
代黃羊酒以當五齊桴馬未及飽雲軒已騰逝問神將何

之放悲謁上帝上帝司民命監觀孰敢蔽民間疾苦多惟
神已熟計豈以朝夕媚或爲致援繫古人重干請時俗感
私惠人人思降祥神力亦不逮貧家無奢願且幸免苗沴
敢向隄隅間覩縷陳瓊細盆瓶器之賤饗爨食之糲爲問
陰子方何如老婦祭

立春日感懷

新醪不肖換衰顏隱几蕭條鬢雪斑梅嶺花開無信到羊
城仙去幾時還漢家銅柱勲名在海國珠厓道路艱猶望
江干楊柳色春風先度秣陵關

消寒六集題王麓臺擬黃大癡畫卽用其自題韵

余藏

麓臺擬宋元八家畫一荆關二董巨三米元章四趙

松雪五吳仲圭六王叔明七黃大癡八倪雲林每幅

各有
題句

大癡非癡翁亦非老畫師袖中富春山人間時見之麓臺
得其神神與形兼資偶撫淺絳法萬象皆華滋我曾見翁
杖七尺高過眉流傳到壺齋宗派無兩歧黃左田師畫得
大癡法嘗得藤
杖銘云杖七尺于久
植五百年歸左田何由扶赤藤一往尋山茨未解黃石
書且參摩詰詩

次韵子鶴夜坐見懷并簡服紆

覓句連牀好細論夜寒應少客敲門獨吟猶勝西鄰叟寂
寞盆花對酒尊

歲莫舊交數饋鹿尾分遺恕堂斐然有作次韵訓之
春帖迎門神冬餽送竈鬼積雪消螟螣伏雷制蟲虺鹿鳴

宴嘉賓所貴尤在尾獸人歲給鮮

頒賜出

宸展

歲除大臣例賜麋鹿

麋麇久病鶴厚俸養庸菲每歌庭貍詩

素食慙篤棐掖垣舊同寮饋歲致珍瑋各推萃野惠風誼
亦何偉北味殊南烹土銚燒涇葦分餉與君共懸匏笑吾
豈細懷沅澧間蘭芷擢芳卉春水今方生魚蝦密如蟻君
詩有深感所思豈不韙崔劼老廢學數典已忘幾事見西陽雜俎
雜俎雖一嘗但媿成章斐

董孝子行

勤方字念于平定州廩生

嗟哉董孝子萬里奔父喪出入盜賊裏

一解

孝子家何所

晉東古上艾門前縣蔓水父喪在何許粵西昆侖關

宣化縣

其地近交趾

二解

孝子聞父喪傳言不得詳匍匐走都京

都京無親友跣告陳先生

董生受業於勿齋先生

致書復執叟叟曰

子有母父喪子必奔母命亦必受孝子銜涕歸歸奉母命

來路人爲之哀

三解

是時粵西賊再竄陷楚北道路澀如

棘孝子涕垂頤父喪不得歸子生亦奚爲父喪歸不得子

甘死盜賊

四解

叟曰子勿悲吾有三三友遠官粵西陲

辛勞

皆中丞胡

粵有蔣大夫近官于京師

霞舫府丞

其人皆可依宛

轉尺素書爲子謀先資又有粵西吏子可結伴去道路卽

有警紆回庶往濟

五解

孝子銜涕行匍匐出都門南望江

漢城朝視烽火光夜聞甲馬聲徘徊南陽道西上沿襄荆

荆門達桂林不知幾千里跋涉忘所經但見草木長又見

草木零

六解

萬物有苑枯孝子無窮途廉範不覆船王陽

不回車官聞孝子來遣騎致所須邦人見孝子奔走為致

書邂逅語交衢似與孝子識驚問乃鄉閭

平定某流寓桂林

竟知

父殯所一一陳厥初

七解

桂林指南郡風塵隔湏洞蕭條

千里間人少豺虎衆孝子銜涕奔擲身蠻荒界投足鬼伯

門不悟父喪久放悲聞父存天涯一小縣連年苦征戰逆

旅斷羈魂薄棺寄僧院何人為收骨何日營祖莫不意南

飛鷲化作北歸雁

八解

邕管路悠悠桂管居上游誰謂湘

灘水不能送客舟朝辭洞庭下莫聞鄂城收

歸途武昌漢陽克復誰

謂黃鶴去不度武昌樓武昌接中州朝莫行不休朝朝復

莫莫西入太行路太行白雲飛靈旄從之歸

九解

孝子今

有父盜賊爲之避鬼神爲之輔孝子今見母母病不自悲

但悲兒辛苦念兒別幾時去年楊柳青今年蒲葉滋歲豐六年

春自里啟行七年夏五月歸看兒衣上線去時淚斑斑歸來雨如汗

解走謁陳先生先生曰勤方子實不負名復見縵飢叟叟

曰董念于孝哉今罕有吾聞黃孝子向堅吳中孝廉兩親陷雲南徒步尋歸有

紀程滇池奉親歸圖畫有山水又聞王孝子原文安民尋父於輝縣奉

歸溫陵李贄爲書太原公之作書傳播厥美遺風二百年寥

寥復見此生還猶足慰死別更悽惻生死同此心艱難報

罔極十一解叟爲孝子詩敬告桑與梓且以詒所知干戈

尙未戢男兒當有爲求忠必於孝庶幾其念茲十二解

古薦士篇

南陽翟道淵

湯

篤行古遺直羣寇不敢犯威利不能逼庾

公亮

臨江州東帶降車軾枯朽方自陳恭敬見顏色

翟謂庾

使君直敬其枯木朽株耳

零霜有勁草疾風無弱翼使君能薦士朝廷

嘉其德豈惟嘉其德將以爲民則博士雖冷官下邑足矜

式臥龍卽不起鼠輩消反側迂疏世所笑知者深歎息百

世聞餘風激揚欽遠識

近者湖北巡撫胡公薦興國州處士萬斛泉與此事相類

丁巳歲除自題續劬亭後集

平生學道未聞道晚歲身閒安敢閒惟有呻吟餘病後更
無裨補在人間奔輪但覺光陰疾厝火能忘世事艱一臥
三年詩數卷且排後集擬香山

謹案礪軌亭集自嘉慶十七年至咸豐四年致仕以前詩凡千六百六十餘首編爲三十二卷後集則皆致仕後所作隨時分卷付梓者也

男世長姪孫友直友麟謹校并記